



Bosnia and Herzegovina
Federation of Bosnia and Herzegovina

CANTON SARAJEVO

Ministry of Traffic

Broj: 04-11-7735-10/26
Sarajevo, 11.08.2026.godine

Ministarstvo saobraćaja Kantona Sarajevo na osnovu čl. 68. Stav (4) tačka g), čl. 69. Stav (2) tačka d) i čl. 70. Zakona o javnim nabavkama („Sl. glasnik BiH“, broj: 39/14,59/22 i 50/24), te čl. 70. Zakona o organizaciji organa uprave u FBiH („Službene novine FBiH „, br.35/05), na preporuku Komisije koja je sastavni dio Zapisnika o pregledu i ocjeni ponuda br: 04-11-7735-9/26 NT od 06.08.2026.godine, a u predmetu javne nabavke „Nabavka uređaja za naplatu parkiranja“, godine donosi:

O D L U K U **o poništenju postupka javne nabavke**

1. Ponuda ponuđača ARGON SISTEMI d.o.o. br: 04-11-35092 od 24.07.2024.godine, odbija se kao nepravilna.
2. Poništava se otvoreni postupak javne nabavke “ Nabavka uređaja za naplatu parkiranja”, broj obavještenja o nabavci 1242-1-1-11-3-20/26 od 22.05.2026.godine., ispravka broj: 1242-1-1-11-8-22/26 od 04.06.2026.godine, i ispravka broj: 1242-1-1-11-8-24/26 od 29.06.2026.godine, jer nijedna zaprimljena ponuda nije prihvatljiva.
3. Ova Odluka će se objaviti na Internet stranici Ministarstva saobraćaja Kantona Sarajevo u skladu sa članom 70. stav 6. Zakona o javnim nabavkama („Sl. glasnik BiH“, broj: 39/14, 59/22 i 50/24).

O b r a z l o ž e n j e

Poništava se postupak javne nabavke pokrenut Odlukom o pokretanju postupka broj: 04-11-3494-8/24 BT dana 20.05.2024.godine. Javna nabavka je provedena putem otvorenog postupka a obavljena na portalu javnih nabavki dana 22.05.2026.godine, broj obavještenja: 1242-1-1-11-3-20/26, sa ispravkama br: 1242-1-1-11-8-22/26 od 04.06.2026.godine i br: 1242-1-1-11-8-24/26 od 29.06.2026.godine.

Rok za dostavu prijava/ zahtjeva za učešće određen je za 27.07.2026. godine do 10,00 sati.

Za navedenu nabavku u predviđenom roku i uredno zatvorenim kovertama, dostavljena je jedna (1) ponuda ponuđača:

- **ARGON SISTEMI d.o.o. Sarajevo**

U skladu sa Odlukom o pokretanju postupka, Komisija za javnu nabavku, formirana Rješenjem o imenovanju broj: 04-11-7735-2/26 NT od 02.04.2026.godine provela je proceduru nabavke, obavila



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-058, + 387 (0) 33 562-059

Web: <http://ms.ks.gov.ba>, E-mail: ms@ms.ks.gov.ba

javno otvaranje ponuda, sačinila i dostavila Zapisnik otvaranju ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, te utvrdila:

- da je ukupan broj pristiglih ponuda- jedan (1)
- da je blagovremeno zaprimljena jedna (1) ponude
- da nema neblagovremeno zaprimljenih ponuda.

Nadalje, Komisija je izvršila pregled i ocjenu zaprimljene ponude te ustanovila da ponuđač nije ispunio uslove iz tenderske dokumentacije s obzirom da ponuda nije uvezana na propisan način, garancija za ponudu nije dostavljena u skladu sa tenderskom dokumentacijom, kao i da tehničke karakteristike ponuđene opreme nisu u granicama propisanih/ zahtijevanih tehničkih karakteristika.

Naime, tačkom 7. Sadržaj i način pripreme ponude/ Način izrade, propisano je da se ponuda čvrsto uvezuje na način da se onemogući naknadno vađenje ili umetanje listova, te da ponuda mora biti čvrsto uvezana i sve strane ponude numerisane dok se pod čvrstim uvezom podrazumijeva da ponude moraju biti uvezane/ ukoričene u knjigu ili da ponuda bude uvezana u fasciklu sa metalnim mehanizmom ili uvezana spiralnim uvezom i uz to osigurana jamstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom dobavljača, a u svrhu izbjegavanja manipulisanja stranicama ponude.

Kako je navedeno u Zapisniku o pregledu i ocjeni ponuda, Komisija je prilikom pregleda i ocjene ponude konstatovala da je ponuda ukoričena u knjigu i numerisana ali da nije čvrsto uvezana jer je prilikom pregleda došlo do neometanog vađenja stranica od br.23 do i zaključno sa brojem 29., koji uvez narušava integritet ponude i omogućava manipulisanje istom, što nije u skladu sa propisanim uslovom iz tenderske dokumentacije.

Dalje, tačkom 17. tenderske dokumentacije, propisano je da se garancija za ozbiljnost ponude dostavlja u originalu, u zatvorenoj plastičnoj foliji (koja se npr. na vrhu zatvori naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača) i uvezana u cjelinu čini sastavni dio ponude.

Dostavljena garancija na strani 30. ponude ponuđača ARGON SISTEMI d.o.o. dostavljena je u zatvorenoj plastičnoj foliji, ali naljepnica kojom je folija zatvorena nije ovjerena pečatom ponuđača koja svrha je zaštita integriteta originala garancije i sprečavanje mogućnosti njenog vađenja ili zamjene bez vidljivih tragova narušavanja zatvaranja folije.

Na kraju, u prilogu 2. Obrazac za cijenu ponude naveden je opis robe koja je predmet nabavke „Nabavka, instalacija, integracija, testiranje i puštanje u rad automatskih rampi u skladu sa zahtjevima iz Priloga 3.“ koji prilog jasno određuje minimum tehničkih zahtjeva koje ponuđena roba mora zadovoljavati. Također, u istom obrascu je navedeno da tehničke karakteristike treba da budu u granicama traženih karakteristika, a da će ponude koje imaju odstupanja od traženih biti odbijene kao nepravilne.

Ponuđač je u ponudi dostavio kataloge ponuđene opreme sa tehničkim karakteristikama (str. 54- 67), gdje je za automatsku kasu za naplatu ponuđen uređaj „Naplatna jedinica Hercules PM-01“ koji na strani 55. Ekološke karakteristike- temperatura i vlažnost, ima radnu temperaturu od -10C do +55C (-4F do + 131F), kao i uređaj „Naplatni modul Hercules PM- 02“, koji na strani 57. Ekološke karakteristike- temperatura i vlažnost, ima radnu temperaturu od -10C do +55C (-4F do + 131F), što predstavlja odstupanje od zahtijevanih tehničkih karakteristika iz Priloga 3. gdje je za automatsku kasu za naplatu propisan radni opseg od minimalno -20C do minimalno +50C.

Cijeneci navedene razloge u pogledu uvezanosti, odnosno integriteta ponude, garancije za ozbiljnost ponude kao i činjenice da tehničke karakteristike ponuđene opreme odstupaju od traženih karakteristika, odnosno ne zadovoljavaju uslov propisan tenderskom dokumentacijom, to je ponuda ponuđača ARGON SISTEMI d.o.o. Sarajevo, ocijenjena kao **nepravilna**.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-058, + 387 (0) 33 562-059

Web: <http://ms.ks.gov.ba>, E-mail: ms@ms.ks.gov.ba

O izvršenom pregledu i ocjeni ponude sačinjen je Zapisnik ugovornom organu, br: 04-11-7735-9/26 NT od 06.08.2026.godine, koji sadrži i preporuku da se iz svega navedenog, a cijeneći da nije preostala nijedna prihvatljiva ponuda, postupak javne nabavke poništi u skladu sa članom 69. stav (2) tačka d) Zakona o javnim nabavkama.

Ugovorni organ je ocjenu Komisije prihvatio kao ispravnu te je primjenom člana 69. stav (2) tačka d) Zakona o javnim nabavkama, odlučeno kao u dispozitivu Odluke.

Pouka o pravnom lijeku:

Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona o javnim nabavkama ima pravo uložiti žalbu u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14, 59/22 i 50/24).

Žalba se podnosi Ugovornom organu (Ministarstvo saobraćaja Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Žalilac je obavezan platiti naknadu za pokretanje žalbenog postupka u skladu sa članom 108. Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.

Dokaz o plaćenju naknade za pokretanje žalbenog postupka obavezno se dostavlja ugovornom organu u roku za izjavljivanje žalbe.

Prilog:

1. - Zapisnik o pregledu i ocjeni konačne ponude broj: 04-11-7735-9/26 NT od 06.08.2026.godine

Dostaviti:

1. ARGON SISTEMI d.o.o. Sarajevo
Ul. Braće Mulića 13, Sarajevo
2. web
3. evidenciji
4. a/a



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-058, + 387 (0) 33 562-059

Web: <http://ms.ks.gov.ba>, E-mail: ms@ms.ks.gov.ba

